



KEMENTERIAN PERDAGANGAN DALAM NEGERI
DAN KOS SARA HIDUP



BERITA

24 JAM

KPDN

KERATAN AKHBAR & BERITA ONLINE

Untuk makluman:

- | | |
|-----------------------|---------------------|
| ● YB Menteri | ● YBhg. TKSU (PPDN) |
| ● YB Timbalan Menteri | ● YBhg. TKSU (PP) |
| ● YBhg. KSU | ● Setiausaha Akhbar |

Tarikh: 29 Februari 2024



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

KPDN



UNIT KOMUNIKASI KORPORAT

Mahu bekalan minyak masak bersubsidi diedar secara efisien

Kuala Lumpur: Kementerian Perdagangan Dalam Negeri dan Kos Sara Hidup (KPDN) sedang meneliti semula rantai pengedaran minyak masak paket bersubsidi di peringkat pemborongan dan peruncitan.

Menterinya Datuk Armizan Mohd Ali berkata, langkah itu bertujuan memastikan bekalan minyak masak bersubsidi diedarkan secara efisien dan meluas kepada peruncit.

Beliau berkata, pengedaran secara cekap dan meluas kepada peruncit selepas ini mengambil kira dengan keperluan penduduk di kawasan setempat.

"Selain langkah yang disebutkan sebelum ini, kementerian juga akan mengambil langkah kawalan tambahan seperti *zoning* (pengezonan) untuk memastikan pengedaran minyak masak paket bersubsidi terutama oleh syarikat pembungkus dan pemborong lebih tertumpu kepada keperluan kawasan setempat.

"Dengan penggunaan *zoning*, pengedaran minyak masak dapat diperincikan mengikut kawasan geografi atau keperluan pasaran spesifik, memastikan bekalan minyak masak paket bersubsidi disalurkan dengan lebih efisien," katanya dalam jawapan bertulis diterbitkan di laman web Parlimen, semalam.

Beliau berkata demikian

menjawab soalan **Abdul Latiff Abdul Rahman (PN-Kuala Krai)** yang mahu kementerian menyatakan perancangan terperinci ekoran ketetapan bahawa tiada larangan atau sekatan dikenakan kepada warga asing membeli minyak masak paket bersubsidi di kedai runcit.

Secara umumnya, Armizan berkata, barang bersubsidi adalah untuk keperluan penduduk Malaysia.

Katanya, kerajaan amat prihatin terhadap isu ketirisan termasuk penggunaan oleh warga asing.

"Pada ketika ini, mekanisme sedang dibangunkan untuk menyasarkan minyak masak bersubsidi kepada mereka yang layak membeli di peringkat runcit.

"Ketika ini, kementerian melalui Arahan Pengawal Bekalan Berhubung Kawalan Penjualan Minyak Masak Bungkusan Polibeg 1 Kilogram (kg) bertarikh 21 Julai 2022, had pembelian minyak masak paket bersubsidi ditetapkan kepada maksimum tiga paket untuk setiap pelanggan.

"Langkah ini untuk memastikan bekalan minyak masak paket bersubsidi mencukupi untuk kegunaan isi rumah. Tindakan kawalan ini diambil untuk memberi peluang lebih banyak pengguna mendapatkan bekalan minyak masak polibeg 1kg," katanya.

“
Pengedaran
minyak masak
dapat diperincikan
mengikut
kawasan geografi
Armizan



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

UMUM



UNIT KOMUNIKASI KORPORAT

KPKM optimis dapat kemuka penyelesaian isu padi, beras

Bangi: Kementerian Pertanian dan Keterjaminan Makanan (KPKM) optimis dapat mengemukakan cadangan dan perincian bagi mencari penyelesaian isu padi dan beras negara pada 20 Mac ini seperti yang diarahkan Perdana Menteri Datuk Seri Anwar Ibrahim.

Menteri Pertanian dan Keterjaminan Makanan Datuk Seri Mohamad Sabu berkata, KPKM akan beker-



KPKM akan bekerjasama dengan kementerian lain untuk mendapatkan pandangan sebelum memuktamadkan sebarang cadangan"

Mohamad

jasama dengan kementerian lain untuk mendapatkan pandangan sebelum memuktamadkan sebarang cadangan.

"Isu padi dan beras, kami tidak boleh bertindak silo, bukan saja KPKM, ia mesti dengan Kementerian Perdagangan Dalam Negeri dan Kos Sara Hidup, Kementerian Kewangan, Kementerian Ekonomi dan Kementerian Kemajuan Desa dan Wilayah kerana

sebarang pengumuman itu akan bersangkutan dengan beberapa kementerian lain.

"Sebab itu bila kami nak buat sesuatu macam apungkan harga ayam, kami berbincang termasuk dengan penternak, pengedar, penjual dan akhirnya baru diumumkan kami apungkan harga ayam.

"Jadi, semua pihak dalam pengetahuan mereka. Begitu juga dengan harga be-

ras, ia lebih rumit kerana bersangkutan dengan beras import, beras putih import, beras putih tempatan, beras beriani (basmati) dan sebagainya," katanya selepas menghadiri Simposium Peladang Muda Nasional 2024 Sempena Ulang Tahun Lembaga Pertubuhan Peladang (LPP) ke-51 di sini malam kelmarin.

Di samping itu, Mohamad berkata KPKM akan

mengadakan perbincangan bersama agensi terbabit terlebih dahulu sebelum turun ke bawah untuk mendapatkan maklum balas daripada pihak berkepentingan seperti pesawah, pengilang dan sebagainya.

"Ada yang tanya, adakah selesai segala-galanya 20 Mac ini? Tidak, ini langkah awal dan kami akan lihat dari pelbagai aspek," katanya.

berita harian metro

Peniaga di Thailand akui kos perniagaan rendah kerana guna barang subsidi yang diseludup

Oleh **HAZELEN LIANA KAMARUDIN**
NARATHIWAT, THAILAND

Peniaga makanan di sini tidak menolak dakwaan penggunaan barangan subsidi Malaysia yang diseludup melalui pangkalan haram di Sungai Golok membolehkan pelanggan menikmati hidangan pada harga murah.

Mendedahkan perkara itu kepada *Sinar Harian*, seorang peniaga makanan yang dikenali sebagai Syam, 35, berkata, tindakan tersebut membantunya mengurangkan kos dalam penghasilan makanan.

"Banyak penjimatan yang saya nikmati bila menggunakan barangan subsidi dari Malaysia terutama minyak masak.

"Sebagai contoh, harga minyak masak diseludup dijual pada 40 Thai Baht berbanding 60 Thai Baht untuk keluaran tempatan (minyak masak).

"Bagi tepung gandum keluaran Malaysia dijual pada harga 26 Thai Baht, manakala keluaran tempatan 34 Thai Baht untuk sekilogram," katanya.

Menurutnya, sudah 10 tahun dia menggunakan barangan subsidi dari Malaysia termasuk gula, susu pekat dan telur.

Ujarnya, kejatuhan nilai ring-

git ketika ini menyebabkan dia mendapat keuntungan berganda sekali gus membolehkan makanan dijual pada harga rendah.

"Status jaminan halal pada barangan Malaysia menjadikan ia sebagai pilihan utama.

"Situasi itu menyebabkan pelanggan dari Malaysia tidak perlu takut berkait perkara tersebut," jelasnya.

Seorang penduduk yang dikenali sebagai Zan, 56, mendedahkan faktor kemiskinan menjadi punca makanan di sini terutama Selatan Thailand terpaksa dijual pada harga murah.

"Hal ini kerana kebanyakan penduduk di sini bekerja sebagai nelayan, petani dan penoreh getah.

"Kalau jual mahal, sudah tentu mereka tidak mampu. Jadi rakyat Malaysia turut menikmati keistimewaan itu," ujarnya.

Bagi peniaga runcit dikenali sebagai May, 34, kebanyakan barangan subsidi Malaysia hanya boleh didapati di kawasan yang berhampiran Sungai Golok.

Dia berkata, bagi kawasan seperti Yala, Pattani agak sukar tetapi masih boleh didapati dengan kuantiti sedikit.

"Kalau hendak beli barangan Malaysia terutamanya minyak masak pekiet, kami terpaksa berebut kerana stok terhad," ceritanya.

Jual murah kerana guna barang subsidi Malaysia?



Antara lokasi pelancongan di Hatyai yang sering diserbu rakyat Malaysia kerana harga makanan yang murah dan sedap.



Rakyat Malaysia turut menikmati keistimewaan makanan yang dijual dengan harga murah.



Tindakan menggunakan barangan diseludup dari Malaysia membantu peniaga mengurangkan kos dalam penghasilan makanan.



Penggunaan barangan subsidi Malaysia yang diseludup membolehkan pelanggan menikmati hidangan pada harga murah.

Harga beras RM30 bagi 10kg adalah yang terbaik - NACCOL

Oleh ASLINDA NASIR

Aslinda.nasir@medianusa.com.my

KUALA LUMPUR: Pengerusi Majlis Tindakan Sara Hidup (NACCOL), Datuk Syed Abu Hussin Hafiz Syed Abdul Fasal mempertahankan harga beras putih tempatan patut dijual pada harga RM30 bagi 10 kilogram kerana ia memberi keadilan kepada semua pihak.

Katanya, penyelarasan harga beras itu penting dalam menyekat permainan kartel yang mengaut keuntungan daripada pengeluaran beras putih tempatan yang sepatutnya dijual pada harga RM26 sahaja.

Namun, katanya apa yang terjadi pada hari ini, beras putih tempatan itu hilang kerana telah dicampur dengan beras import dan dijual pada harga yang tinggi.

"Sekarang yang terasa adalah pengguna, beli beras RM40 ke atas dan pesawah seronok kerana padi dibeli dengan harga tinggi iaitu RM1,750.

"Apabila buat *adjustment*, pesawah akan terasa kerana padi mereka dibeli pada harga RM1,200 ke 1,300. tetapi tidak lagi ditambah dengan bantuan kerajaan RM500," katanya ketika dihubungi, semalam.

Semalam, akhbar ini melaporkan harga baharu beras putih Malaysia Madani dan import perlu ditetapkan pada paras ideal bagi memastikan tidak ada yang terjejas dan memberi keadilan kepada semua pihak.

Antara harga yang dicadangkan ialah RM30 dan RM35 bagi setiap 10 kilogram (kg) dan harga tersebut dianggap realistik dalam usaha menstabilkan pasaran makanan ruji negara itu.



Sekarang yang terasa adalah pengguna, beli beras RM40 ke atas dan pesawah seronok kerana padi dibeli dengan harga yang tinggi iaitu pada kadar RM1,750."

SYED ABU HUSSIN

Cadangan harga juga dilihat memberi situasi menang-menang kepada pengilang dan pesawah yang terkesan dengan kos operasi penanaman padi yang meningkat.

Beras putih tempatan di pasaran sekarang ini dijual pada harga RM28 dan RM42 untuk beras import bagi setiap 10kg, dan julat harga jualan beras tempatan dan import yang agak jauh ini dibimbangi berlaku penipuan dan manipulasi beras.

Mengulas lanjut, Syed Abu Hussin turut menegaskan harga beras RM30 masih lagi ideal dengan mengambil kira empat kategori.

"Pengguna beli pada harga RM30, pemborong beli harga borong RM29 dengan margin RM1, pemborong beli daripada pengilang dengan harga RM25.50. di situ ada margin juga, pengilang beli padi harga maksimum RM26, dulu harga lantai RM13," ujarnya.

Wujud semula beras subsidi ST15

MARAN: Program beras subsidi kerajaan seperti beras subsidi super tempatan 15 peratus hancur (ST15) yang diperkenalkan pada 2008 perlu diwujudkan semula dalam usaha mengawal harga sumber karbohidrat itu.

Persatuan Beras Bumiputera Malaysia (Barim) mencadangkan beras subsidi itu dilaksanakan dalam tempoh setahun sebagai perintis kepada program

beras putih Malaysia Madani.

Bercakap kepada *Utusan Malaysia*, Presiden Barim, Ismail Awang berkata, program ST15 begitu berjaya yang mana kerajaan waktu itu memfokuskan serampang dua mata iaitu membantu rakyat membeli beras murah berharga bawah RM21 bagi kimpit 10 kilogram (kg) dan membantu usahawan kecil dengan jaringan rangkaian serta

rantaian.

"Ketika dilaksanakan, program ST15 amat berjaya di luar bandar, sebagai contoh daripada seorang usahawan kecil menjadi usahawan kelas pertengahan yang mampu membeli mesin pengampit beras dan mengeluarkan jenama beras sendiri.

"Inilah kejayaan yang kerajaan terdahulu buat dan kerajaan Madani pimpinan Perdana

Menteri, Datuk Seri Anwar Ibrahim boleh melaksanakan program sedemikian dengan kaedah kerangka model bahu-ru melalui rangkaian strategik antara Kementerian Pertanian dan Keterjaminan Makanan (KPKM) dengan pemborong beras.

"Kedua-duanya perlu memainkan peranan penting dalam industri beras negara yang mana

kesan akhirnya akan berbalik kepada kumpulan sasaran," katanya di sini semalam.

Program subsidi beras ST15 diperkenalkan kerajaan sejak 2008 dengan peruntukan tahunan sebanyak RM530 juta untuk menampung keperluan golongan sasaran, terutama rakyat berpendapatan rendah.

Bekalan ST15 bagaimanapun dihentikan mulai 2016.



KEMENTERIAN PERDAGANGAN DALAM NEGERI
DAN KOS SARA HIDUP

BERITA ONLINE

KPDN



UNIT KOMUNIKASI KORPORAT

BERITA ONLINE BERTARIKH 29 FEBRUARI 2024

TARIKH	TAJUK	PAUTAN	MEDIA
29-Feb	KPDN teliti semula rantaian pengedaran minyak masak paket subsidi - Armizan	https://www.bharian.com.my/berita/nasional/2024/02/1217589/kpdn-teliti-semula-rantaian-pengedaran-minyak-masak-paket	BERITA HARIAN
29-Feb	Rantaian pengedaran minyak masak paket subsidi diteliti semula KPDN – Armizan	https://www.buletintv3.my/nasional/rantaian-pengedaran-minyak-masak-paket-subsidi-diteliti-semula-kpdn-armizan/	BULETIN TV3
29-Feb	KPDN teliti semula rantaian pengedaran minyak masak paket bersubsidi	https://www.hmetro.com.my/mutakhir/2024/02/1065039/kpdn-teliti-semula-rantaian-pengedaran-minyak-masak-paket-bersubsidi	HARIAN METRO
29-Feb	KPKM OPTIMIS DAPAT KEMUKA PENYELESAIAN ISU PADI, BERAS SEPERTI DIARAH PM	https://www.bernama.com/bm/am/news.php?id=2274187	BERNAMA
29-Feb	KPKM optimis dapat kemuka penyelesaian isu padi, beras	https://www.hmetro.com.my/mutakhir/2024/02/1064956/kpkm-optimis-dapat-kemuka-penyelesaian-isu-beras	HARIAN METRO
29-Feb	KPKM optimis dapat kemuka penyelesaian isu padi, beras seperti diarah PM	https://thesun.my/cerita/berita/kpkm-optimis-dapat-kemuka-penyelesaian-isu-padi-beras-seperti-diarah-pm-LG12149020	THE SUN
29-Feb	KPKM optimis dapat kemuka penyelesaian isu padi, beras seperti diarah PM	https://www.melakahariini.my/kpkm-optimis-dapat-kemuka-penyelesaian-isu-padi-beras-seperti-diarah-pm	MELAKA HARI INI
29-Feb	KPKM optimis dapat kemuka penyelesaian isu padi, beras seperti diarah PM	https://www.astroawani.com/berita-malaysia/kpkm-optimis-dapat-kemuka-penyelesaian-isu-padi-beras-seperti-diarah-pm	ASTRO AWANI

29-Feb	KPKM optimis kemuka cadangan penyelesaian isu padi, beras 20 Mac ini	https://www.buletintv3.my/nasional/kpkm-optimis-kemuka-cadangan-penyelesaian-isu-padi-beras-20-mac-ini/	BULETIN TV3
29-Feb	Penyelesaian isu padi, beras perlu ditangani semua pihak	https://suarasarawak.my/penyelesaian-isu-padi-beras-perlu-ditangani-semua-pihak/	SUARA SARAWAK
29-Feb	KPKM optimis dapat kemuka penyelesaian isu padi, beras seperti diarah PM	https://www.tvsarawak.my/2024/02/28/kpkm-optimis-dapat-kemuka-penyelesaian-isu-padi-beras-seperti-diarah-pm/	TV SARAWAK
29-Feb	KPDN, Astro tekad perangi isu penyiaran tanpa lesen	https://www.astroawani.com/berita-malaysia/kpdn-astro-tekad-perangi-isu-penyiaran-tanpa-lesen-460089	ASTRO AWANI
29-Feb	KPDN, Astro tekad perangi isu penyiaran tanpa lesen	https://www.astroawani.com/videos/video-terkini-x7sio1/kpdn-astro-tekad-perangi-isu-penyiaran-tanpa-lesen-x8thul6	ASTRO AWANI
29-Feb	Naccol bakal bincang isu SST terhadap bil air, elektrik	https://www.suarakeadilan.my/post/naccol-bakal-bincang-isu-sst-terhadap-bil-air-elektrik	SUARA KEADILAN
29-Feb	LEBIH RM5 JUTA DIPERUNTUKKAN UNTUK PROGRAM JUALAN RAHMAH DI KEDAH	https://www.bernama.com/bm/news.php?id=2274241	BERNAMA
29-Feb	Lebih RM5 juta diperuntukkan untuk program Jualan Rahmah di Kedah	https://www.malaysiakini.com/news/697554	MALAYSIA KINI
29-Feb	Warga KPDN Sarawak Dinasihati Berjimat Cermat	https://ukas.sarawak.gov.my/2024/02/28/warga-kpdn-sarawak-dinasihati-berjimat-cermat/	UKAS SARAWAK
29-Feb	KPDN Sandakan rekod nilai rampasan lebih RM200,000 sejak Januari	https://www.utusanborneo.com.my/2024/02/28/kpdn-sandakan-rekod-nilai-rampasan-rm20528815-sejak-januari	UTUSAN BORNEO

29-Feb	Bekalan barang kawalan di Sandakan mencukupi	https://sabahmedia.com/2024/02/28/bekalan-barang-kawalan-di-sandakan-mencukupi/	SABAH MEDIA
29-Feb	Beberapa lokasi di Johor Bahru tiada minyak masak subsidi	https://www.bharian.com.my/berita/nasional/2024/02/1217662/beberapa-lokasi-di-johor-bahru-tiada-minyak-masak-subsidi	BERITA HARIAN
29-Feb	Harga kekal macam biasa	https://www.hmetro.com.my/utama/2024/02/1064927/harga-kekal-macam-biasa	HARIAN METRO
29-Feb	Presma: No increase in food prices at mamak restaurants	https://www.nst.com.my/news/nation/2024/02/1018772/presma-no-increase-food-prices-mamak-restaurants	NEW STRAITS TIMES
29-Feb	Presma: No increase in food prices at mamak restaurants	https://themalaytribune.com/presma-no-increase-in-food-prices-at-mamak-restaurants/	THE MALAY TRIBUNE
29-Feb	KPDN, Astro tekad perangi isu penyiaran tanpa lesen	https://www.astroawani.com/berita-malaysia/kpdn-astro-tekad-perangi-isu-penyiaran-tanpa-lesen-460089?fbclid=IwAR1Vy-EJbnWJ_M7bmikx2NcSILeiHNnG CtpXBkqU8K6Avc4_BGDSJThhT5I	ASTRO AWANI
29-Feb	Barang kawalan dan keperluan harian di Sandakan mencukupi, elak pembelian panik	https://sabahnewstoday.net/barang-kawalan-dan-keperluan-harian-di-sandakan-mencukupi-elak-pembelian-panik/	SABAH NEWS TODAY
29-Feb	Nilai rampasan RM205,288 dengan 25 kes dicatat KPDN Sandakan	https://www.buletintv3.my/jenayah/nilai-rampasan-rm205288-dengan-25-kes-dicatat-kpdn-sandakan/	BULETIN TV3
29-Feb	KPDN Sandakan rekod nilai rampasan lebih RM200,000 sejak Januari	https://www.utusanborneo.com.my/2024/02/28/kpdn-sandakan-rekod-nilai-rampasan-lebih-rm200000-sejak-januari	UTUSAN BORNEO
29-Feb	JUALAN RAHMAH DUA KALI SEBULAN DI PERAK	https://www.bernama.com/bm/am/news.php?id=2274518	BERNAMA

29-Feb	Perak laksana Jualan Rahmah dua kali sebulan	https://www.sinarharian.com.my/article/651797/edisi/perak/perak-laksana-jualan-	SINAR HARIAN
29-Feb	Perak implements Rahmah Sales twice a month	https://thesun.my/local_news/perak-implements-rahmah-sales-twice-a-month-HH12153523	THE SUN
29-Feb	Jualan Rahmah 'Back To School' manfaat hampir 200,000 pelajar di Negeri Sembilan	https://berita.rtm.gov.my/nasional/senarai-berita-nasional/senarai-artikel/jualan-rahmah-back-to-school-manfaat-hampir-200-000-pelajar-di-negeri-sembilan	BERITA RTM